

Хөбчирт оньган өгхмн

Одахн Яшкульск района "Кировский" совхозин гурвдгч фермд кӧдлмшчнрин хург болв. Тер хургт КПСС-н Яшкульск райкомин сеглӧтр ӱр Кичиков Т. Л. орлцв. Хург деер кӧдлмшин кесг олн дуту-дунд илдкгддж темдглгдв.

Ӱвлӧр хургълх хӧӧдт хойр дулан хаша тосгълх бӧӧсмн, болв эн кӧдлмш ода деерӧн йир хашнъгар кегддж йовна. Ах хӧӧч ӱр Байгазиевин болн нань чигн хӧӧчнрин зуслнъд усн татг болсн учр, шинӧс немр худгуд малтдж, хӧӧдиг усар тетгхмн гидж тер хург деер хӧӧчнр босдж келцхӧв.

Хӧд ӱвлзх газрт эртӧснь дулан хаша-хаацсинь белдхин, хот-хоолинь эртӧснь зӧӧдж, цуг хӧӧдт усн элвгӧр кӱрмӧр худгуд малтдж бел кехин орчд, фермин толгълч коммунист ӱр Михайлов—кӧдлмшӧсн гарнав—гигълд, эврӧннь кех кӧдлмшӧн сулар кегълд йовдг бӧӧдл ик хаджгър йовдл болджана.

Совхозин кӧдлмшчнриг тетгч рабкоопин ахлӧч ӱр Бондарь хӧӧчнриг гуйрар, цӧӧгълр, шикрӧр, тӧмкӧр, бичкн кӱӱкд ӱмсдг госар, нань чигн хувц-хунрар тӧрӱц тетгджӧхмн уга гидж тер хург деер темдглцхӧв. Автолавк гигълд хӧӧчнрин бригадст ирнӧ, болв тер автолавкднь тӧрӱц кӱн хулддж авх юмн уга болдж гарна. Совхозин кӧдлмшчнриг кергтӧ хамгар тетгх зӧвтӧ рабкооп муугълр кӧдлдг учрнь—Яшкульск райпотребкооперацин ахлӧч ӱр Иконников А. болн теднӧ аппаратд кӧдлдг улс сӧн седклӧн эс ӧгч кӧдлдгин учр болджана. Яшкульск райпотребсоюз болн совхозин рабкооп ӧдр болгълн сӧн оньган ӧгч, цуг хӧӧчнриг кергтӧ хамгар тетгх керг йир чинртӧ тӧр болджана.